

表达男女之情的诗词

1.
涉江采芙蓉，兰泽多芳草。采之欲遗谁？所思在远道。还顾望旧乡，长路漫浩浩。同心而离居，忧伤以终老。——《涉江采芙蓉》
2.
唯有相思似春色，江南江北送君归。——王维《送沈子归江东/送沈子福之江东》
3.
五更钟动笙歌散，十里月明灯火稀。——贺铸《思越人·紫府东风放夜时》
4.
淡妆多态，更的的、频回眄睐。便认得琴心先许，与绾合欢双带。记画堂、风月逢迎、轻颦浅笑娇无奈。向睡鸭炉边，翔鸳屏里，羞把香罗偷解。自过了、烧灯后，都不见踏青挑菜。几回凭双燕，丁宁深意，往来却恨重帘碍。约何时再，正春浓酒困，人闲昼永无聊赖。厌厌睡起，犹有花梢日在。——贺铸《薄幸·淡妆多态》
5.
杨柳枝，芳菲节，可恨年年赠离别。一叶随风忽报秋，纵使君来岂堪折。——柳氏《杨柳枝》
6.
草绿裙腰山染黛，闲恨闲愁侬不解。——文廷式《天仙子·草绿裙腰山染黛》
- 7.

燕草如碧丝，秦桑低绿枝。当君怀归日，是妾断肠时。——李白《春思》

8.
泛彼柏舟，在彼中河。髡彼两髦，实维我仪。之死矢靡它！母也天只！不谅人只！泛彼柏舟，在彼河侧。髡彼两髦，实维我特！之死矢靡慝！母也天只！不谅人只！——《诗经·国风·邶风·柏舟》

9.
鸳鸯翡翠，小小思珍偶。眉黛敛秋波，尽湖南、山明水秀。娉娉袅袅，恰近十三余，春未透。花枝瘦。正是愁时候。寻花载酒。肯落谁人后。只恐远归来，绿成阴、青梅如豆。心期得处，每自不由人，长亭柳。君知否。千里犹回首。——黄庭坚《蓦山溪》

10.
我住长江头，君住长江尾；日日思君不见君，共饮长江水。此水几时休，此恨何时已；只愿君心似我心，定不负相思意。——李之仪《卜算子》

11.
无情不似多情苦，一寸还成千万缕。天涯地角有穷时，只有相思无尽处。——晏殊《玉楼春·春恨》

12.
渺万里层云，千山暮雪，只影向谁去？——元好问《摸鱼儿·雁丘词/迈陂塘》

13.
杨柳青青江水平，闻郎江上踏歌声。东边日出西边雨，道是无晴却有晴。——刘禹锡《竹枝词二首·其一》

14.
蜂须轻惹百花心，蕙风兰思寄清琴。——薛昭蕴《浣溪沙·握手河桥柳似金》

15.

风里落花谁是主？思悠悠。——李璟《摊破浣溪沙·手卷真珠上玉钩》

16.

投我以木瓜，报之以琼琚。匪报也，永以为好也！投我以木桃，报之以琼瑶。匪报也，永以为好也！投我以木李，报之以琼玖。匪报也，永以为好也！——《诗经·国风·卫风·木瓜》

17.

含羞整翠鬟，得意频相顾。雁柱十三弦，一一春莺语。娇云容易飞，梦断知何处。深院锁黄昏，阵阵芭蕉雨。——欧阳修《生查子·含羞整翠鬟》

18.

望夫处，江悠悠，化为石，不回头。山头日日风复雨，行人归来石应语。——王建《望夫石》

19.

山桃红花满上头，蜀江春水拍山流。——刘禹锡《竹枝词·山桃红花满上头》

20.

关关雎鸠，在河之洲。窈窕淑女，君子好逑。——《国风·周南·关雎》

21.

银床淅沥青梧老，麝粉秋蛩扫。采香行处蹙连钱，拾得翠翘何恨不能言。回廊一寸相思地，落月成孤倚。背灯和月就花阴，已是十年踪迹十年心。——纳兰性德《虞美人·银床淅沥青梧老》

22.

佳人独立相思苦。薄袖欺寒脩竹暮。白头空负雪边春，着意问春春不语。——刘著《玉楼春·东山探梅》

23.

钟情怕到相思路。盼长堤，草尽红心。动愁吟，碧落黄泉，两处难寻。
——朱彝尊《高阳台》

24.

君当作磐石，妾当作蒲苇；蒲苇纫如丝，磐石无转移。——《孔雀东南飞》

25.

众里寻他千百度，蓦然回首，那人却在，灯火阑珊处。——辛弃疾《青
云案·元夕》

26.

长相思，长相思。欲把相思说似谁，浅情人不知。——晏几道《长相思
》

27.

问世间，情为何物，直教生死相许。——元好问《摸鱼儿二首·其一》

28.

天子居未央，妾侍卷衣裳。顾无紫宫宠，敢拂黄金床。水至亦不去，熊
来尚可当。微身奉日月，飘若萤之光。愿君采葑菲，无以下体妨。——
李白《秦女卷衣》

29.

长相思，长相思。欲把相思说似谁，浅情人不知。——晏几道《长相思
长相思》

30.

相思本是无凭语，莫向花笺费泪行。——晏几道《鹧鸪天三首·其二》

31.

梦入江南烟水路，行尽江南，不与离人遇。睡里消魂无说处，觉来惆怅
消魂误。欲尽此情书尺素，浮雁沉鱼，终了无凭据。却倚缓弦歌别绪，

断肠移破秦筝柱。——晏几道《蝶恋花》

32.

春日游，杏花吹满头。陌上谁家年少，足风流。妾拟将身嫁与，一生休。纵被无情弃，不能羞。——韦庄《思帝乡·春日游》

33.

隔座送钩春酒暖，分曹射覆蜡灯红。——李商隐《无题·昨夜星辰昨夜风》

34.

自从回步百花桥。便独处清宵。凤衾鸳枕，何事等闲抛。纵有馀香，也似郎恩爱，向日夜潜消。恐伊不信芳容改，将憔悴、写霜绡。更凭锦字，字字说情慆。要识愁肠，但看丁香树，渐结尽春梢。——柳永《西施·自从回步百花桥》

35.

相见时难别亦难，东风无力百花残。春蚕到死丝方尽，蜡炬成灰泪始干。晓镜但愁云鬓改，夜吟应觉月光寒。蓬山此去无多路，青鸟殷勤为探看。——李商隐《无题》

36.

被酒莫惊春睡重，赌书消得泼茶香，当时只道是寻常。——纳兰性德《浣溪沙·谁念西风独自凉》

37.

岂忘离忧者？向隅独心伤。聊因一书札，以代回九肠。——徐悱《赠内》

38.

有女同车，颜如舜华，将翱将翔，佩玉琼琚。彼美孟姜，洵美且都。有女同行，颜如舜英，将翱将翔，佩玉将将。彼美孟姜，德音不忘。——《诗经·郑风·有女同车》

39.

今夜鄜州月，闺中只独看。遥怜小儿女，未解忆长安。香雾云鬟湿，清辉玉臂寒。何时倚虚幌，双照泪痕干。——杜甫《月夜》

40.

凄凉别后两应同，最是不胜清怨月明中。——纳兰性德《虞美人·曲阑深处重相见》

本文链接：<https://duanjuziku.com/duanjuzi/j7dcp19uwq.html>